

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Vita Christi - Cod. Donaueschingen 436

Michael <de Massa>

Oberrheinischer Sprachraum (im Übergangsbereich zum Schwäbischen?), [Mitte des 15. Jahrhundert]

Jesus Verhör vor Pilatus

[urn:nbn:de:bsz:31-93623](https://nbn-resolving.org/urn:nbn:de:bsz:31-93623)

rulven ein wenig in solcher betrachtunge ob du in
solicher betrüpnisse flossen kanst bis an die prime

Hye würt ih̄s für gericht gefürt vor pylatum



Dv solt do noch
in dimer betrach
tunge wider an
heben mit einem
betrüpten herze
wie die obersten
von den Juden
wider kōment
zu Cayfas huse
vnd gant zu rāte
wie sū ihesu vnser
hzen vberrichten
wollet zu dem

tode vnd dar kōmen die knechte vnd holten ihesu
also gebonden vnd tūn yn anderwerbe für kōmen
vnd do frogete Cayfas vnser heren ihesu mag ge
schien anderwerbe vnd sprach Ich beswere dich by
dem lebedigen gotte sage vns ob du bist son des ge
benedeten gottes vnd do antwurtte ih̄s vnser hze
vnd sprach Ich bins. Do sprach cayfas zu den andn
wir endorffen keiner gezügen me er ist des todes
schuldig. Ach nu sihe lieber mensche wie gar vn
barmhertighen sū im tünd binden noch vester mit

169
einer grossen ysenen ketten vmb sinen hals vnd
furen yn mit grossen ylen in das richthuss zu pila
tus morgens frū vff den fritag. **O** we lieber mensche
sihe wie swerlich ihesus vnser vil lieber heze gāt wē
alle sine glider woren verkaltet die nacht vber. **A**ch
wie er mider mag geschien fellet vnd siner heiligen
berne mit macht hett vff zestō sihe wie vnerbarm
herziglichen yn die büben wider vff ziehent mit
der ketten die er vmb sinen hals hett vnd ziehed vnd
stossen yn mit fusten vnd mit füssen in sinen verkalte
rucke vnd sprechen Ime schentlichen zu das er für sich
ge vnd mercke wie ihesus alles swiget vnd volget
yn als em vnschuldiges lamp. **D**o das gericht vnd
geschrey wart vnd das men seite mider stat zu iheru
salem in allen strossen das ihesus der proffete gefangē
were vnd das men vber yn solte richten. **A**cha so das
das hörte maria die müter ihesus vnd was ein swert
durch ir herze gestochen vnd kam mit iren swestern
vnd den andern fröweln mit herzlichem grossen wain
en vnd jnnlichem betrüpnisse vnd wolte ir liebes
kint sehen **D**o si yn nu sach in solicher mossen gebonden
vnd geslagen vnd sin angesichte verspuwet vnd also yn
messiglichen mit also grosser smocheit vnd snellich mit
ketten vnd seilen von dem gebübrige furen zu dem gericht
te do geschwant ir vnd wart gestalt als ein tod mensche
das alle lute die si sohent jomer vnd smerzen do von
empfangent. **H**ie soltu lieber mensche betrachten mit

.. aufdr. G. 110 ..

grossen mitliden wie grosse betrüpnisse ist do worden
in der zweier herze do si sich sehent vndereinander
do wart das liden ihesus zwifeltig von dem mitliden
do ersach marien sine liebe müter in alse grosser be
trüpnisse **E**r wissete wol das si großlichen betrüpt
was vnz in den tod vnd alle die andern die mit ir
do wozent. **W**enn er scherzete den smerzen smer mü
ter für sin eigen liden. **I**n diesem artitel soltu vil lieb
mensche dich vben vnd dinen geist mit mitliden
ergeren. **W**an es en ist nit zu erzelende wie groß
liden vnd betrüpnisse ihesus vnser heze vnd maria
sin werde müter in der zit hetten. **V**erlich es ist ze
mole zu bernlich von allent halben **S**ihe nu wie
ihesus würt in das richthusz gefüret vnd wie ma
ria sin müter Ine von verrentz noch volget mit ir
swestern vnd wannend vnd wüdent ir heud ze
samē. vnd klagent ihesu. vnd do leitent die heiden
schen knechte ihesu in das husz vnd wie die juden
alle blibent vsswendig des huses vnd engent
nit in das heidensche husz vff das si nit sündigten
gegen irer. **S**onder si gobent
ihesu vnser herren als ein lamp pilatus eine heidi
schen wolffe zu verschündende. **A**ch lieber mensche
nit los von ihesu. volge mit Ine in das husz so vnz
in den tod **L**üge wie schemlichen ihesus gebonden in das
gerichte gāt vnd wie die heiden yn alle ansehent vnd
hant ir gespötte mit Ine vnd sagen mag geschen

also O ihesus :

also. **O** ihesus wie kōmest du her nu du bist ein prof
 feta vor vmb hastu dis mit zu voruſſ gesehen. Dis
 ist ein sache das die cristene pfaffheit kōment ze ſa
 men in die kirche zu ptime zit got loben wem zu
 ptime zit kōmet die iudische pfaffheit ze samen zu
 schendende ihesu der got ist vnd ein richter der
 lebendigen vnd vnd der toten. Do Judas sach das
 ihesus für das gericht wart gefūret vnd merckte
 das er sterben müſte do berow yn das er hette ge
 ton vnd lieff zu den juden vnd warff das gelt do
 er ihesu vmb hette verkouft für ſu vnd sprach. Ach
 ich armer ich hab verrotten das vnſchuldig blūt vnd
 do mit gieng er vnd erhieng sich selbe von niſſetroſt
 Doruff spricht ſant Jeronim^{us} das Judas ihesu damit
 me erzurnete dem das er yn verrotten hette. Do
 ihesus vnser here stōnd vor dem gerichte / do gieng
 pylatus vſz dem gericht huse zu den juden vnd froge
 te ſu was die sachen weren do ihesus vmb sterben
 ſolte Do ſeiten ſu er hette geſprochen er wer cristus
 vnd ein kōnig vnd hette das volck verleitet vnd
 verkerzt von galilean lande biß zu iherusalem
 Do frogete pylatus ob er were ein galileis mensche
 vnd do er das befant do ſante er yn also gebonden
 zu kōnig herodes dem hortte das lant von galilean
 zu vnd der was zu der zit zu iherusalem.

Die stat ihesus vnser here vor herodes vnd hett